

OTV. PR.
02-

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Služba za upravljanje poljoprivrede,
vodoprivrede i komunalnih poslova
Broj: 08-45-471/25-AP-3
Datum: 03.03.2025. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	04 - 03 - 2025		
Org. jed.	Kl. ozna.	Red. broj.	Br. priloga
02	45	492/25	

GRADONAČELNICA

- Ovdje -

PREDMET: Prijedlog Odluke o standardima komunalnih usluga na teritoriji Grada Zavidovići, dostavlja se

U prilogu akta dostavljam Vam Prijedlog Odluke o standardima komunalnih usluga na teritoriji Grada Zavidovići, radi upućivanja u dalju proceduru.

S poštovanjem.

Dostavljeno:
1. Naslovu,
2. U spis.



POMOĆNIK GRADONAČELNIKA
Izet Bašić dipl.ing.agr.

Akt pripremila: Adisa Pašić
(Adisa Pašić)
Akt pregledao: Izet Bašić
(Izet Bašić)
Akt pregledao: Nermin Čahtarević
(Nermin Čahtarević)



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravu poljoprivrede,
vodoprivrede i komunalnih poslova
Broj: 08-45-471/25-AP-2
Datum: 03.03.2025. godine

Na osnovu člana 11. Zakona o komunalnim djelatnostima („Službene novine Zeničko-dobojskog kantona“ broj:17/08) i člana 10. Privremene statutarne Odluke Grada Zavidovići („Službeni glasnik Općine Zavidovići“ broj:4/22) Gradsko vijeće Zavidovići, na sjednici, održanoj dana godine, donijelo je

O D L U K U

o standardima komunalnih usluga
na teritoriji Grada Zavidovići

Član 1. (Pojam)

Odlukom o standardima komunalnih usluga (u daljem tekstu Odluka) utvrđuju se standardi vršenja usluga individualne i zajedničke komunalne potrošnje na području Grada Zavidovići.

Član 2. (Komunalna potrošnja)

- (1) Uslugama individualne komunalne potrošnje u smislu ove Odluke, smatraju se:
- a) Snabdijevanje pitkom vodom,
 - b) Odvođenje otpadnih voda,
 - c) Snadbjevanje prirodnim gasom
 - d) Snabdijevanje toplotnom energijom,
 - e) Obavljanje javnog prevoza putnika,
 - f) Prikupljanje i odvoz komunalnog otpada iz stambenih i poslovnih objekata i poslovnih prostora na deponiju,
 - g) Odlaganje komunalnog otpada,
 - h) Održavanje javnih parking prostora i javnih garaža,
 - i) Obavljanje pogrebnih poslova,
 - j) Održavanje tržnica i pijaca na malo,
 - k) Obavljanje dimnjačarskih poslova,
 - l) Higijenska, strvoderska i kafilerijska djelatnost,
- (2) Uslugama zajedničke komunalne potrošnje smatraju se:
- a) Odvođenje atmosferskih voda,
 - b) Održavanje čistoće na javnim površinama i gradskim ulicama,
 - c) Održavanje javnih površina,
 - d) Održavanje grobalja i njegove prateće infrastrukture
 - e) Održavanje javne rasvjete,
 - f) Obavljanje kafilerijskih usluga,

- g) Dekorisanje,
- h) Održavanje javnih česmi i fontana i javnih kupatila i javnih nužnika,
- i) Održavanje javnih satova
- j) Zbrinjavanje komunalnog otpada nastalog u okviru djelatnosti zajedničke komunalne potrošnje,
- k) Čišćenje i razgrtanje snijega i leda sa javnih gradskih površina i lokalnih puteva, i posipanje abrazivnim materijalom ulica i lokalnih puteva,
- l) Održavanje pasivnih mezariluka – grobalja, spomenika i spomen kosturnica i prateće infrastrukture u užem urbanom dijelu grada.

Član 3.

(Snabdijevanje pitkom vodom)

- (1) Pod snabdijevanjem pitkom vodom podrazumjevaju se poslovi zahvatanja, prečišćavanja i distribucije vode za piće vodovodnom mrežom do mjernog instrumenta korisnika, uključujući i mjerni instrument, odnosno zajednički mjerni instrument kod objekata zajedničkog stanovanja ako nema mjernog instrumenta do ulaznog šahta.
- (2) Obavezno je obezbjeđenje pretpostavki za kontinuirano snabdijevanje pitkom vodom tokom cijele godine.
- (3) Pritisak u cijevima mora zadovoljavati standarde na način da je omogućen normalan pritisak, kada su za to ostvarene tehničke mogućnosti, koji obezbjeđuje normalno korištenje kućanskih aparata i sanitarnih uređaja na svim visinskim tačkama isporuke.
- (4) Ispravnost vode će se redovno kontrolisati i o rezultatima nalaza obavještavati javnost.
- (5) Kontinuirano raditi na poboljšanju uslova isporuke, kao i kvaliteta isporučene vode za piće.

Član 4.

(Odvođenje otpadnih voda)

Davalac komunalnih usluga dužan je da obezbjedi kontinuirano odvođenje otpadnih voda kroz zajedničku kanalizacionu mrežu tokom cijele godine, a po zahtjevu korisnika, odnosno po nalogu inspektora na teret korisnika.

Član 5.

(Snabdijevanje toplotnom energijom)

- (1) Sezona grijanja traje u periodu od 15.10. budžetske do 15.04. naredne godine.
- (2) Ukoliko su vanjske temperature, prema podacima Federalnog hidrometeorološkog zavoda tokom tri uzastopna dana u 21:00 h niže od 12°C, grijanje će trajati i duže, uz obračun i ispostavu računa i za taj period.
- (3) Grijanjem se obezbjeđuju temperature u unutrašnjim prostorijama iznad 19°C, u periodu od 06.00 h do 22.00 h.

Član 6.

(Prikupljanje i odvoz komunalnog otpada iz stambenih i poslovnih objekata i poslovnih prostora na deponiju)

Pod prikupljanjem i odvoženjem komunalnog otpada iz stambenih objekata i poslovnih prostora na deponiju podrazumjeva se prikupljanje komunalnog otpada na za to određenim mjestima i njihovo odvoženje na deponiju.

Redni broj	Ulica/Opis mjesta lokacije		Broj kontejnera/ pražnjenja sedmično	Broj korpica/ pražnjenja sedmično	Zeleni otok/ broj kontejnera
1	Alije Izetbegovića	iza šumarstva	4/6	0/0	1/5
		kod Flosa	4/6	0/0	1/2
		duž ulice	0/0	19/6	0/0
2	Mehmed paše Sokolovića	kod Afrike	4/6	0/0	1/2
		kod Tehničke škole	0/0	0/0	1/3
		kod penzionerske spomenik šehidima	4/6	0/0	0/0
		spomenik šehidima	0/0	9/6	0/0
		duž ulice	0/0	6/6	0/0
3	Safvet bega Bašagića	u krug I osnovne škole	2/2	0/0	0/0
		duž ulice	0/0	4/6	0/0
4	Dobrovoljnih davalaca krvi	duž ulice	0/0	6/6	0/0
5	Gazi Husrev bega	iznad bolnice	4/6	0/0	1/2
		u krugu gradske džamije	1/5	0/0	0/0
		u krugu bolnice	2/5	0/0	0/0
		ispod bolnice	4/6	0/0	1/2
		kod kafe Longo	3/6	0/0	0/0
6	Prvomajska	iza žepačke	4/6	0/0	1/3
		iza bivše radio stanice	3/6	0/0	0/0
		na zelenoj pijaci	3/6	0/0	0/0
		dječiji vrtić	2/5	0/0	0/0
		u naselju Gaj I	3/6	0/0	0/0
7	Husein kapetana Gradašćevića	kod parnjače	4/6	0/0	1/1
		kod Lamela Klek	3/6	0/0	0/0
		naselje Gaj II	4/6	0/0	1/1
8	Abdulvehaba Ilhamije	duž ulice	3/6	0/0	1/3
9	15. spetambar	kod posluge	3/6	0/0	1/3
		kod bivše zadruge Malinar	4/6	0/0	0/0
10	Dr. Pinkasa Bandta	na ušću	3/6	0/0	0/0
		kod pumpe Almy	1/6	0/0	0/0
		iza Samačke	4/6	0/0	1/1
		stara općina I	1/6	0/0	0/0
		stara općina II	1/5	0/0	0/0
11	Zlatnih ljiljana	iza željezarije Kovačević	3/5	0/0	0/0
		stovartište Loko	1/1	0/0	0/0
		Hifa petrol	1/1	0/0	0/0
		Mepromex	3/1	0/0	0/0
		Energopetrol	2/1	0/0	0/0
		Tuzlić	1/1	0/0	0/0

Redni broj	Ulica/Opis mjesta lokacije	Hebi	1/1	0/0	0/0
		Broj kontejnera/ pražnjenja sedmično	Broj kontejnera/ pražnjenja sedmično	Broj korpica/ pražnjenja sedmično	Zeleni otok/ broj kontejnera
12	Oslobodilaca Gostovića	Euroimpex AN	1/1	0/0	0/0
		Ošmika	1/1	0/0	0/0
		Tadžir	1/1	0/0	0/0
		Auto servis Begović	1/1	0/0	0/0
		Hotel Biga	1/1	0/0	0/0
		BN step tehnički pregled	1/1	0/0	0/0
13	Radnička	kod Kestena	1/5	0/0	0/0
		Almy stovarište	3/1	0/0	0/0
		Porobić	2/1	0/0	0/0
		Krivaja metali	2/1	0/0	0/0
		Almy gradnja	1/1	0/0	0/0
		Kod zgrade invalida	3/6	0/0	0/0
		Vatrogasni dom	2/1	0/0	0/0
		Bingo	2/1	0/0	0/0
		Robot	2/1	0/0	0/0
		BN step tehnički pregled	2/1	0/0	0/0
14	Maršala Tita	kod Dr. Aida	4/6	0/0	0/0
		kod Rikice	1/6	0/0	0/0
15	Hasana Kjafije pruščaka	kod autobuske stanice	3/6	0/0	0/0
		kod mosta Duga	0/0	0/0	1/3
16	Tvornička	u krugu TMK	1/1	0/0	0/0
17	35. divizije	kod teniskih terena	4/6	0/0	1/2
		naselje Sutjeska zidane	3/6	0/0	0/0
		kod zgrada Forest creek	3/6	0/0	0/0
		u krugu TC Planet	1/6	0/0	0/0
		kod Monaka	2/6	0/0	0/0
18	Nikole Tesle	kod sportske dvorane	3/6	0/0	0/0
19	Biljačić iput	kod kapelice	2/1	0/0	0/0
20	Matije Gupca	kod Pravoslavne crkve	1/1	0/0	0/0
21	Stjepana Radića	kod podhodnika	4/6	0/0	1/2
22	8. marta	između zidanih i montažnih zgrada	4/6	0/0	1/3
		u montažnim zgradama	3/6	0/0	0/0

Redni broj	MZ/Ulica/Opis mjesta lokacije	Kante/vreće/pražnjenje	Način pražnjenja
1	Dolovi	Kante/Sedmično	Separatno
2	Lovničko polje	Kante/Sedmično	Separatno
3	Put Ušća	Kante/Sedmično	Separatno
4	Jusupa Polića Ribara	Kante/Sedmično	Separatno
5	Potklečki put	Kante/Sedmično	Separatno
6	Potklečje	Kante/Sedmično	Separatno
7	Zlatnih ljiljana	Kante/Sedmično	Separatno
8	Talijansko naselje	Kante/Sedmično	Separatno
9	Gajska	Kante/Sedmično	Separatno
10	Mehmeda Spahe	Kante/Sedmično	Separatno
11	Ćazima Vikovića Vika	Kante/Sedmično	Separatno
12	Patriotske lige	Kante/Sedmično	Separatno
13	Oslobodilaca Kleka	Kante/Sedmično	Separatno
14	Oslobodilaca Vozuće	Kante/Sedmično	Separatno
15	4. manevarki bataljon	Kante/Sedmično	Separatno
16	IDČ Asim Čamdžić	Kante/Sedmično	Separatno
17	Voćarski put	Kante/Sedmično	Separatno
18	MZ Dubravica	Kante/Sedmično	Separatno
19	Nikole Tesle	Kante/Sedmično	Separatno
20	Kulina Bana	Kante/Sedmično	Separatno
21	Ćumurana	Kante/Sedmično	Separatno
22	Ridžali, Džebe	Kante/Sedmično	Separatno
23	Brdski put	Kante/Sedmično	Separatno
24	Majdan	Kante/Sedmično	Separatno
25	Uz Gostović sva naselja do Mahoja	Vreće/Sedmično	Mješovito
26	Uz Krivaju do Dištice	Vreće/Sedmično	Mješovito
27	MZ Mećevići	Kante-Vreće/Sedmično	Mješovito
28	MZ Pašin konak	Vreće/Sedmično	Mješovito
29	MZ Rujnica	Kante-Vreće/Sedmično	Mješovito
30	MZ Lovnica	Kante-Vreće/Sedmično	Mješovito

Član 7.

(Odlaganje komunalnog otpada)

Pod odlaganjem komunalnog otpada podrazumjeva se odvoz komunalnog otpada na Regionalnu deponiju Mošćanica.

Član 8.

(Održavanje javnih parking prostora)

(1) Pod održavanjem javnih parking prostora podrazumjevaju se svakodnevno održavanje prostora na kojima se pružaju usluge parkiranja motornih vozila.

(2) Opća parkirališta u gradu su:

- a) u ulici „Alije Izetbegovića“, dijelu ulice „15. septembar“, dijelu ulice „Mehmed-paše Sokolovića“ sa jednosmjernim saobraćajem i dio ulice „Stjepana Radića“,
- b) prostor između salona namještaja i ulice „Mehmed-paše Sokolovića“ do realizacije Regulacionog plana „Centar I“,
- c) prostor između ABC blokova prema ulici „dr. Pinkasa Bandta“,
- d) prostor ispred tvornice montažnih kuća,
- e) prostor ispred naselja „Gaj“ I i II,
- f) prostor između „Naselja stadion“ prema ulici „Gazi Husrev-begova“,
- g) prostor ispred ABC blokova prema ulici „Alije Izetbegovića“,
- h) dio prostora preko puta zgrade „Parnjača“,
- i) prostor ispred zgrade „B“ u ulici „Abdulvehaba Ilhamije“,
- j) prostor u ulici „Gazi Husrev-begova“ preko puta bolnice,
- k) prostor ispred restorana hotela „Kristal“,
- l) prostor ispred glavnog ulaza JU „Centar za kulturu“ Zavidovići,
- lj) prostor ispred Doma invalida uz „Radničku“ ulicu,
- m) prostor u Radničkoj ulici kod bivše „Kantine“ preko puta kapije pilane,
- n) prostor u ulici „Maršala Tita“ ,
- nj) prostor oko naselja „Branioci grada“ I,
- o) prostor preko puta kapije „Ziko“ d.o.o. Zavidovići i „Ferimpex“ d.o.o. Zavidovići,
- p) prostor ispred sportske dvorane i dijelu ulice „Nikole Tesle“,
- r) prostor u ulici „Husein-kapetana Gradašćevića“, ispred zgrade broj I i II,
- s) prostor sa desne strane ceste prema Dolini, uz tržnicu na malo privrednog društva „BN-STEP“ d.o.o. Zavidovići,
- š) prostor kod JKP „Radnik“ d.o.o. Zavidovići,
- t) prostor ispred upravne zgrade JP „Šumsko-privrednog društva ZE-DO kantona“ d.o.o. Zavidovići.
- u) prostor u ulici „Prvomajska“ sa obje strane od raskrsnice sa ulicom „Alije Izetbegovića“ do kraja ulice ispred zgrada zvanih „Žepačka i Mostarka“ te na lijevoj saobraćajnoj traci od raskrsnice sa ulicom „Alije Izetbegovića“ do skretanja za gradsku tržnicu,
- v) dio prostora u ulici „Dobrovoljnih davalaca krvi“ od zgrade pošta do pasaža sa lijeve strane,
- z) sve ostale saobraćajne površine u sklopu dvorišta objekata za kolektivno stanovanje.

Član 9.

(Posebna parkirališta)

Mjesto gdje se mogu parkirati teretna vozila, traktori, autobusi i putnički automobili sa kamp-prikolicama je dio platoa u ulici «Radnička» preko puta glavne kapije IP "Krivaja", u blizini autobuske stanice.

Član 10.

(Rezervisani parking prostori)

Rezervisani prostor za parkiranje su prostor u ulici «Dobrovoljnih davalaca krvi», između zgrade Gradske uprave Zavidovići, Policijske stanice Zavidovići i Općinskog suda u Zavidovićima.

Član 11.
(Obavljanje pogrebnih poslova)

- (1) Pod obavljanjem pogrebnih poslova podrazumjeva se preuzimanje, opremanje, prijevoz umrlog lica do objekta mrtvačnice odnosno groblja.
- (2) Obavljanje pogrebnih poslova povjereno je vjerskim zajednicama.

Član 12.
(Održavanje tržnica)

Pod održavanjem tržnica podrazumjevaju se održavanje određenih otvorenih ili zatvorenih prostora na kojim se pružaju usluge obavljanja prometa živežnim namirnicama i drugim proizvodima te uređivanje i održavanje istih svakodnevno.

Član 13.
(Obavljanje dimnjačarskih poslova)

- (1) Pod obavljanjem dimnjačarskih djelatnosti podrazumjeva se provjeravanje ispravnosti i funkcionisanje dimovodnih objekata i uređaja za loženje i čišćenje dimovoda.
- (2) Pročišćavanje i čišćenje dimovodnih objekata i uređaja za loženje vrši će se jednom godišnje.

Član 14.
(Higijenska, strvodrska i kafilerijska djelatnost)

- (1) Pod higijenskom djelatnošću podrazumjeva se vršenje deratizacije, dezinfekcije i dezinsekcije dva puta godišnje.
- (3) Pod obavljanjem kafilerijskih usluga podrazumjevaju se poslovi stalnog i sigurnog uklanjanja životinja, pasa luralica, lešina životinja, određenih nusproizvoda klanja, konfrikata i valioničnog otpada sa javnih površina.

Član 15.
(Odvođenje atmosferskih voda)

- (1) Za normalno funkcioniranje saobraćaja u naseljenim mjestima, a iz razloga zaštite asfaltnih zastora na gradskim ulicama, potrebno je održavati oborinsku kanalizaciju tokom cijele godine.
- (2) Odvodnja atmosferskih voda obuhvata slijedeći radove: popravak revizionih okana, tijela slivnika i spojeva slivnika na kanalizaciju, podizanje okvira i namještanje poklopaca, čišćenje slivnika, taložnika i spoja slivnika na kanalizaciju, vađenje taloga i odvoz na deponiju, zamjena dotrajalih LŽ poklopaca ili rešetki na revizionim oknima ili slivnicima.

Član 16.
(Održavanje čistoće na javnim površinama i gradskim ulicama)

- (1) Suho čišćenje javnih površina (trgova, ulica, parkinga, trotoara, autobuskih i taksi stajališta od 01.01. do 31.12. svake godine.
- (2) Ulice i objekti zajedničke komunalne potrošnje koji se čiste pet puta sedmično:
 - a) «Alije Izetbegovića»,
 - b) «Mehmed Paše Sokolovića»,

- c) «Safvet Bega Bašagića»,
- d) «Dobrovoljnih davalaca krvi»,
- e) Spomenik 1992.-1995. ,
- f) «Stjepana Radića» sa Podhodnikom i pripadajućim stepeništem (245,34 m2),
- g) «35. Divizije»,

(3) Ulice i objekti zajedničke komunalne potrošnje koji se čiste tri puta sedmično:

- a) «Prvomajska»,
- b) «Gazi Husref Bega»,
- c) «Maršala Tita»,
- d) Autobuska stanica,
- e) Spomenik 1941.-1945.,
- f) «Hasana Kjafije Prušćaka»,

(4) Ulice i objekti zajedničke komunalne potrošnje koji se čiste dva puta sedmično:

- a) «Abdulvehaba Ilhamije»,
- b) «Patriotske lige»,
- c) «IDČ Asim Čamdžić»,
- d) «15. Septembar»,
- e) «Roncadelle»,
- f) Stepeništa prema ALD-u i Centru za socijalni rad
- g) Sportska igrališta u Ul. Prvomajska i u Novom Naselju
- h) Pješački most „Duga“
- i) Most «318. Brdske brigade»
- j) Plato ispred Doma kulture
- k) Plato ispred hotela „Kristal“ , osim dijela parkinga za goste hotela

(5) Ulice i objekti zajedničke komunalne potrošnje koji se čiste jedan puta sedmično:

- a) «Husein Kapetana Gradašćevića»,
- b) «Radnička»,
- c) «Voćarski put»,
- d) «Tvornička»,
- e) «Osmog marta»,
- f) «Sarajevska»,
- g) Plato ispred „Stare općine“
- h) Stepenište u ul. Pinkasa Bandta i „Redžepovo“,
- i) «Krivajski most»,
- j) «Bosanski most»,
- k) «Gostovički most»,

(6) Ulice i objekti zajedničke komunalne potrošnje koji se čiste dva puta mjesečno

- a) «Zlatnih Ljiljana», samo trotoari,
- b) Dr «Pinkasa Bandta», samo trotoari,
- c) «Krivajska», samo trotoari,
- d) «Ćumurana»,
- e) «Kulina Bana»,
- f) «Matije Gupca»,
- g) «Omladinska»
- h) «Podubravlje»
- i) «Biljački put»

- j) «Nikola Tesla»
- k) «Braće Garankić»
- l) «Dubravački put»
- lj) «Mehmeda Spahe»

(7) Pranje javnih saobraćajnih površina obavljat će se mašinski (auto-cisternom). Pranje javnih saobraćajnih površina se vrši u periodu od 01.04. do 15.11. svake godine.

(8) Ulice i objekti koji će se prati jedan puta mjesečno do 15-og u mjesecu:

- a) «Alije Izetbegovića»,
- b) «Mehmed Paše Sokolovića»,
- c) «Safvet Bega Bašagića»,
- d) «Gazi Husrev Begova»,
- e) «Husein Kapetana Gradašćevića»,
- f) «Prvomajska».

(9) Ulice i objekti koji će se prati jedan puta godišnje, u junu:

- a) «Patriotske lige»,
- b) «Maršala Tita»,
- c) «Zlatnih Ljiljana»,
- d) Dr. «Pinkasa Bandta»,
- e) Plato ispred „Stare općine“,
- f) Krivajski most,
- g) Bosanski most,
- h) Autobuska stanica,
- i) Spomenik 1992.-1995,
- j) Spomenik 1941.-1945.
- k) „Oslobodilaca Gostovića“

10. Ulice i objekti koji će se prati dva puta godišnje, u junu i avgustu:

- a) «15. Septembar»,
- b) «Abdul Vehaba Ilhamije»,
- c) «Asim Čamdžić»,
- d) «Radnička»,
- e) «Stjepana Radića» sa Podhodnikom i pripadajućim stepeništem (245,34 m2),
- f) «35. Divizije»,
- g) «Roncadelle»,
- h) Most «318. Brdske brigade» sa prilazima,
- i) Plato ispred Doma kulture,
- j) Plato ispred hotela Kristal osim dijela parkinga za goste hotela.
- k) „Gazija“
- l) „Česme“
- m) „Mehmeda Spahe“ do raskrsnice sa ulicom „Čazima Vikovića-Vika“
- n) „Osmog marta“
- o) „Kulina Bana“ sa ulazom u naselje „Branioci grada II“.

(Član 17)

(Održavanje i uređivanje javnih zelenih površina)

(1) Pod održavanjem i uređivanjem javnih zelenih površina podrazumijeva se uređivanje,

- i
 čišćenje, košenje i sakupljanje trave i otpada s javnih zelenih površina, obnova, održavanje
 njega drveća, održavanje i obrezivanje ukrasnog grmlja i živice, održavanje i njega
 sezonskih
 i trajnih cvjetnjaka, održavanje dječijih igrališta, održavanje opreme na dječjim igralištima,
 fitosanitetska zaštita bilja, proizvodnja komposta i biljnog materijala za potrebe
 održavanja,
 nabavka, sađenje i održavanje sezonskog cvijeća i trajnica, deponiranje sakupljenog
 otpada,
 kao i ostali poslovi strukovno potrebni za održavanje javnog zelenila
- (2) Javne zelene površine će se kositi po potrebi, u periodu od aprila do oktobra,
 prihranjivati umjetnim gnojivom dva puta u sezoni i zalivati po potrebi.
- (3) Košenje ovih površina obavljaće se mašinski, uz istovremeno kupljenje i odvoženje
 pokošene trave.
- (4) Održavanje javnih površina obuhvaća sljedeći obim radova:
- čišćenje objekata i elemenata javnog zelenila (proljetno i jesenje izgrabljivanje travnjaka
 i sakupljanje otpadaka i lišća sa odvozom
 - održavanje travnjaka (mašinsko košenje i uklanjanje trave)
 - održavanje drveća (orezivanje krošnje sa odvozom, zamjena i sadnja novih stabala)
 - održavanje grmlja (orezivanje i sanitarna rezidba, okopavanje, plijevljenje, sadnja)
 - održavanje živice (orezivanje, plijevljenje, okopavanje)
 - održavanje ruža (orezivanje, sadnja, okopavanje, plijevljenje, prihrana, fitosanitetska
 zaštita, rezanje ocvalih cvjetova),
 - održavanje gredica sa sezonskim cvijećem i trajnicama (nabavka i sađenje sezonskog
 cvijeća i trajnica, postavljanje betonskih cvjetnjaka, održavanje postojećih betonskih
 cvjetnjaka, što podrazumijeva pripremu, sađenje, zalivanje i prihranu.
 - održavanje staza (struganje korova sa staza, odvoz suhog lišća i trave, opsijecanje rubova
 staza, uništavanje korova herbicidom, nasipanje staza sipinom)
 - održavanje gradskih fontana (čišćenje)
 - održavanje klupa i košara za otpatke (popravlak, bojenje i sl.)

LOKACIJA JAVNE ZELENE POVRŠINE	VRSTA AKTIVNOSTI	UČESTALOST
Urbano područje: I, II, III, IV, V i VI zona	Čišćenje javnih površina od svih vrsta otpadaka (asfaltne, betonske i zelene), sa pražnjenjem korpica	Sedmično x 6
Zgrada Općinskog suda	Održavanje žive ograde sa odvozom na deponiju	Godišnje x 2
Zgrada MUP-a		
Zgrada Pošte		
Zgrada KSC		
15. Septembar		
I i II zona	Mašinsko šišanje trave sa uklanjanjem trave	Godišnje x 7 (120.000 m ²)
III i IV zona		
V i VI zona		
I i II zona	Održavanje ukrasnog grmlja	Godišnje x 2
III i IV zona		
V i VI zona		

Uži urbani dio Grada	Održavanje ruža	Godišnje x 2
I i II zona	Održavanje gredica i betonskih žardinjera	Po nalogu
I i II zona	Održavanje stabala	Po nalogu
III i IV zona		
I i II zona	Održavanje klupa i korpica	Po nalogu
III i IV zona		
Lokacije dječijih igrališta	Održavanje sipinjenih površina	Po nalogu
Cvijetne gredice i žardinjere	Nabavka sezonskog cvijeća, trajnica, ukrasnog grmlja i drveća, sjemena trave, đubriva i sredstava zaštite	Po nalogu

Član 18.
(Održavanje javne rasvjete)

- (1) Pod pojmom "održavanje javne rasvjete" podrazumijeva se upravljanje i održavanje objekata i uređaja javne rasvjete, sto uključuje zamjenu oštećenih stubova, zamjenu sijalica, osigurača, prigušnica, kablova i ostalog potrošnog materijala), i podmirivanje troškova električne energije za osvjetljavanje javnih površina, ulica, cesta koje prolaze kroz naselje i nekategorisanih cesta.
- (2) Obimniji radovi na izgradnji i rekonstrukciji javne rasvjete vršiće se u skladu sa posebnim sredstvima planiranim za izgradnju i rekonstrukciju javne rasvjete.

Član 19.
(Dekorisanje)

- (1) U povodu obolježavanja državnih praznika, kao i u povodu obilježavanja Dana Grada Zavidovići državna, kantonalna i zastava Grada Zavidovići trebaju biti istaknuti na zgradu i jarbole ispred zgrade gradske uprave Zavidovići kao i na zgrade Javnih ustanova.
- (2) Na pročeljima poslovnih prostora na području Grada obavezno isticanje državne zastave na dan državnog praznika.
- (3) Prilikom obilježavanja Grada Zavidovići kantonalnu i zastavu Grada Zavidovići pored isticanja na jarbole ispred zgrade i na zgradi gradske uprave, zastavice Grad Zavidovići postaviti na stubove javne rasvjete i to:
 - a) u ulici «Zlatnih ljiljana» od semafora na raskrsnici ulice «Dr. Pinkasa Bandta» i ulice «Safvet Bega Bašagića» do lokacije zv. «Garaža»,
 - b) u ulici «Dr. Pinkasa Bandta» od semafora na raskrsnici ulica «Safvet bega Bašagića» i «Zlatnih ljiljana» do raskrsnice «na Krivaji»,
 - c) u ulici «Alije Izetbegovića» od raskrsnice ulice «Gazi Husref Bega» do naselja Lamele «Klek»,
 - d) u ulici «Mehmed paše Sokolovića» od raskrsnice ulice «Safvet Bega Bašagića» do izlaza na ulicu «Gazi Husref Bega»,
 - e) u ulici «Maršala Tita» kao i od podvožnjaka u ulici «Safvet Bega Bašagića» do raskrsnice sa ulicom «Mehmed paše Sokolovića».
- (4) Na Mostu «318. Brdske brigade» u ulici «Safvet Bega Bašagića» i «Krivajskom mostu» od ulice «Gazija» do raskrsnice ulice «Dr. Pinkasa Bandta» na stubove javne rasvjete postaviti kantonalne i zastavice Grada Zavidovići, kao i ispisani transparent koji se

- praznik obilježava a koji će biti postavlje iznad mosta i pričvršćen za stubove javne rasvjete sa obadvije strane mosta.
- (5) Povodom obilježavanja vjerskih praznika vršiće se prigodno dekorisanje u gradu postavljanjem ispisanih transparentata sa tradicionalnim označavanjem vjerskog praznika odnosno u povodu Ramazanskog i Hadžijskog Bajrama postaviti će se transparent na stubove javne gradske rasvjete sa obadvije strane mosta na Mostu 318. Brdske brigade», u ulici Safvet Bega Bašagića» i «Krivajskom mostu» u ulici «dr. Pinkasa Bandta» kao i u ulici «Zlatnih ljiljana» kod poslovne zgrade – sjedišta Islamske vjerske zajednice.
 - (6) Povodom obilježavanja katoličkog Božića i Uskrsa te pravoslavnog Božića i Vaskrsa ispisane transparente sa čestitkama za vjerski praznik postaviti na stubove javne rasvjete na Mostu «318. Brdske brigade» u ulici «Safvet Bega Bašagića».
 - (7) Prilikom održavanja kulturnih i sportskih manifestacija u Gradu, na stubove javne rasvjete, na «Bosanskom i Krivajskom mostu», a zavisno od značaja manifestacije i u užem gradskom jezgru u ulicama, postaviti zastavice Grada Zavidovići i prigodne zastavice koji označavaju početak manifestacije koja se održava, te ispisane transparente o nazivu manifestacije koja se održava u kojem terminu (sa danom početka i završetka manifestacije).
 - (8) Dekorativni svjetleći ukrasi iluminacijske elemente u povodu obilježavanja Nove godine postaviti na stubove javne rasvjete na lokacije u:
 - a) ulici «Mehmed Paše Sokolovića»,
 - b) ulica «Safvet Bega Bašagića»,
 - c) ulica «Alije Izetbegovića»,
 - d) ulica «Pinkasa dr. Banta» od raskrsnice ulice «Patriotske lice» do raskrsnice ulice «Zlatnih ljiljana» i «Safvet bega Bašagića»,
 - e) ulica «Gazi Husref Bega»,
 - f) ulica «15. Septembar»,
 - g) ulica «Maršala Tita»,
 - h) ulica «Hasna Kjafije Pruščaka» ispred Centra za kulturu, stambeno poslovno naselje «Gaj I» i «Gaj II»,
 - i) ulice «Stjepana Radića»,
 - j) ulice « Osmog marta».
 - (9) Viseće svjetleće ukrase za premoštavanje ulica postaviti na:
 - a) Most «318. Brdske brigade»,
 - b) « Krivajskom mostu»,
 - c) pješačkom mostu «Duga»,
 - d) u ulici «Alije Izetbegovića» kod stambeno-poslovnih Blokova «ABC» Blok «B», kod stambeno poslovne zgrade zvane «Zema» i ulici «Zlatnih ljiljana» kod stambene zgrade do zgrade «Šumarstva».
 - (10) Ukrašavnje krošnji drveća sa dekorativnim iluminacijskim elementima postaviti na lokaciji:
 - a) u ulici «Safvet Bega Bašagića» kod Gradske apoteke,
 - b) u ulici «Alije Izetbegovića» od stambeno poslovnih Blokova «ABC» do raskrsnice prema zgradi Šumarstva,
 - c) plato ispred zgrade Inženjeringa prema «Prvoj osnovnoj školi»,
 - d) plato ispred Doma kulture i Hotela «Kristal»,
 - e) u ulici «Prvomajska» ispred stambene zgrade.

Član 20.

(Održavanje javnih česmi i fontana i javnih nužnika)

- (1) Pod održavanjem javnih česmi podrazumjeva se održavanje i uređivanje javnih česmi dva puta godišnje i to:
 - a) Javna česma "Česma" u ulici "Česme",
 - b) Javna česma "Hadžijna voda" u naselju Skroze.
- (2) Pod održavanjem javnih Fontana podrazumjeva se održavanje i uređivanje fontana deset puta godišnje i to:
 - a) Javna fontana "Kamena kugla",
 - b) Javna fontana na Spomen obilježju 1992-1995,
 - c) Javna Fontana na semaforu.
- (3) Održavanje javnih česmi i Fontana će se vršiti u skladu sa raspoloživim sredstvima planiranim u Budžetu Grada Zavidovići.
- (4) Pod uređivanjem i održavanjem javnih nužnika podrazumijeva se svakodnevno održavanje javnog nužnika ispod Mosta "318. Brdske brigade".

Član 21.

(Održavanje grobalja)

Pod održavanjem grobalja podrazumjeva se čišćenje, uređenje, sanacija i uklanjanje korova i rastinja.

Član 22.

(Čišćenje i razgrtanje snijega i leda sa javnih gradskih površina i lokalnih puteva, posipanje ulica i lokalnih puteva abrazivnim materijalom –zimska služba)

- (1) Pod održavanjem javnih gradskih površina i lokalnih puteva u zimskom periodu podrazumijevaju se zaštitne mjere protiv stvaranja poledice (posipanje abrazivnog materijala i soli), uklanjanje snježnih nanosa i smetova, čišćenje snijega sa kolovoza, pješačkih staza, parkinga i drugi radovi neophodnih za održavanje prohodnosti ulica, trotoara, trgova, mostova i drugih saobraćajnih javnih površina za normalno odvijanje saobraćaja u zimskim uslovima.
- (2) Zimska služba obuhvata skup aktivnosti i poslova, potrebnih za omogućavanje motornog saobraćaja na ulicama i pješačkog saobraćaja na trotoarima i ostalim površinama i objektima zajedničke komunalne potrošnje predviđenih za saobraćanje vozila i pješake. Izvode se, kadaje zbog zimskih pojava (snijeg, poledica, led i dr.) ugroženo normalno odvijanje saobraćaja.
- (3) Radovi zimskog održavanja ulica cesta moraju se obavljati kvalitetno prema standardima koji obezbjeđuju prohodnost cesta, a to podrazumijeva sljedeće: prohodnost cesta cijelo vrijeme - ceste mogu biti zatvorene samo u slučajevima velikih snježnih padavina, ledene kiše, ali ne duže od 6 sati u toku 24 sata, uredno obilježavanje kolovoza i redovno informisanje o stanju na cestama.
- (4) Odstranjivanje snijega sa kolovoznih površina, trotoara i drugih površina počinje blagovremeno, tako da visina snijega na cestama svih prioriteta (I, II i III prioritet) ne prelazi 5 cm, a saobraćaj je moguć uz upotrebu zimske opreme vozila. Čišćenje se vrši grejderom, kamionom sa plućnom daskom, traktorskim ralicama i drugom građevinskom

mehanizacijom za ove namjene. Čišćenje se vrši odlaganjem snijega na bankinama (ukoliko postoje), a za ulice sa trotoarima, snijeg se ne smije odlagati na iste, niti na parking uz ulice, pješačke i druge površine, nego se mora utovariti u vozila i odvoziti na prikladno mjesto.

Čišćenje se vrši po utvrđenim prioritetima. Radovi nakon prestanka oborina obuhvataju proširenje očišćenog kolovoza, ručno čišćenje mostova i propusta, čišćenje raskršća, čišćenje saobraćajne signalizacije, autobuskih stajališta, čišćenje parkirališta, trotoara, stepeništa i drugih površina.

(5) Poledica nastaje na kolovozu, kada dolazi do pojave leda na kolovozu u vrijeme negativnih temperatura ($\pm 0^{\circ}\text{C}$) usljed vlage i vode na kolovozu, kao i ostatka snijega na kolovozu.

Najveća učestalost poledice nastane kada je danju toplo (i snijeg se topi), a noću smrzava.

Zato dežurne ekipe moraju stalno nadzirati stanje kolovoza ulica, trotoara i ostalih površina, posebno kritičnijih sekcija, koje su kao takve već iskustveno poznate. To važi prije svega za oštre krivine, veće kosine, mostove, sjenovite odsjeke, raskršća i mjesta, gdje teče voda sa prilaznih cesta, voda sa kosina, rigola i stepeništa.

Takva mjesta se posipaju preventivno, odnosno odmah, kada se na kolovozu uoči pojava poledice. Iz navedenih razloga potrebno je vršiti preventivno posipanje, već pri dovoljnoj vjerovatnoći nastanka poledice. To važi za sve prioritete.

(6) Mehanizacija i oprema za zimsku službu moraju biti pripremljene i postavljene na polazna mjesta. Menadžment preduzeća je odgovoran da se nastali kvarovi otklone u što kraćem mogućem roku, također i izvan redovnog radnog vremena. Svi ti popravci se vrše prioritarno. O otkazivanju vozila, mašina ili izostancima radnika se mora obavijestiti nadzorni organ, odmah po uočavanju problema, te izvršiti odgovarajuću nadoknadu (zamjenu mašine).

(7) Materijali za posipanje trebaju biti na zalih prije početka sezone zimske službe, najmanje u količini 30% od ukupne procjene potrebnih materijala. Dostava preostalog materijala će se usklađivati sa potrebama tokom trajanja zimske službe.

Sprečavanje klizavosti kolovoza vrši se u pravilu posipanjem soli ili mješavine soli i kamenog agregata. Posipanje se vrši kamionom sa posipačem, a posipa se samo traka širine 2 m i to po osi kolnika, a u količini od cca 150 kg soli/km kolovoza, odnosno 0,10 m³/km agregata. Solju se posipaju isključivo asfaltirani kolovozi, trotoari i druge površine, a makadamske samo ako postoji opravdana potreba. Ukoliko se ne postignu željeni efekti u jednom prolazu, može se vršiti naknadno posipanje cijele dionice ili samo zavoja, mostova, uspona i raskršća na određenoj dionici ulice. Pješačke površine s kamenom ili betonskom podlogom posipaće se sredstvom za ove materijale.

(8) Prioriteti intervencija

a) **PRIORITET I** – ulice koje se nalaze u I i II zoni Odluke o utvrđivanju zona.

U ovom prioritetu čišćenju i posipanju pristupa se odmah po nastanku poledice ili padanju snijega tako da se radovi na osiguranju prohodnosti moraju dovršiti u roku 2 sata, računajući od trenutka prestanka padavina. Ulice u užem gradskom području posipaju se samo solju, izuzev strmih ulica koje se posipaju solju izmiješanom sa agregatom. Ulice koje su betonirane posipaju se samo kamenim agregatom ili pijeskom.

b) **PRIORITET II** – ulice koje se nalaze u III i IV zoni Odluke o utvrđivanju zona.

Za ulice iz II. prioriteta vrijedi da se radovi na osiguranju prohodnosti moraju dovršiti u roku od 3 sata, računajući od trenutka prestanka padavina. Ulice u užem gradskom području posipaju se samo solju, izuzev strmih ulica koje se posipaju solju izmiješanom sa agregatom. Ulice koje su betonirane posipaju se samo kamenim agregatom ili pijeskom.

- c) **PRIORITET III** – ulice koje se nalaze u V i VI zoni Odluke o utvrđivanju zona.
 Za ulice iz III. prioriteta vrijedi da se radovi na osiguranju prohodnosti moraju dovršiti u roku od 5 sati, računajući od trenutka prestanka padavina, odnosno po završetku svih radova na cestovnim pravcima I. i II. Prioriteta. Ulice u užem gradskom području posipaju se samo solju, izuzev strmih ulica koje se posipaju solju izmiješanom sa agregatom. Ulice koje su betonirane posipaju se samo kamenim agregatom ili pijeskom.

PRIORITET	ZONA	PROHODNOST	SNJEŽNE PADAVINE	JAKE SNJEŽNE PADAVINE
I	I i II	24 sata	Obezbijediti prohodnost, bez zastoja	Obezbijediti prohodnost, bez zastoja, gdje postoje dvije trake obezbijediti prohodnost najmanje jedne trake
II	III i IV	24 sata	Obezbijediti prohodnost, mogući zastoji samo u periodu između 24 i 5 sati	Obezbijediti prohodnost, gdje postoje dvije trake obezbijediti prohodnost najmanje jedne trake, mogući zastoji samo u periodu između 24 i 5 sati
III	V i VI	24 sata	Obezbijediti prohodnost, mogući zastoji samo u periodu između 22 i 5 sati	Obezbijediti prohodnost, gdje postoje dvije trake obezbijediti prohodnost najmanje jedne trake, mogući zastoji samo u periodu između 22 i 5 sati

Član 23.

(Nadzor)

- (1) Nadzor nad stanjem prohodnosti je organizovan u okviru vršenja nadzora kojeg obavlja nadzorni organ, a koji dnevno po planu pregledava ulice i druge površine i o tome obavještava dežurne u zimskoj službi. Prema potrebi se obavljaju i eventualni manji poslovi za uspostavljanje sigurnog i tekućeg saobraćaja (uredjenje odvodnjavanja, odstranjivanje snijega i poledice ručno, davanje zahtjeva za isključivanje vozila na cestama u vanrednim prilikama).
- (2) Svaka aktivnost i djelovanje zimske službe treba biti evidentirana u dnevniku zimske službe koji potpisuje rukovodilac zimske službe i nadzorni organ, u svojstvu odgovornog lica investitora. Na temelju podataka iz dnevnika vrši se plaćanje tranši zimskog održavanja. Za utvrđene manjkavosti u funkcioniranju zimske službe, koje se ne otklone u roku koji naloži nadzorni organ, naplaćuju se penali odbijanjem od mjesečne tranše za zimsku službu, za taj mjesec, u iznosu od 5% vrijednosti tranše.

Član 24.

(Trajanje zimske službe)

- (1) Prethodne aktivnosti traju od 01.10. do 15.11. svake godine. To su pripremni poslovi, koji obuhvataju:
 - a) postavljanje zimske signalizacije,

- b) postavljanje rubnih motki,
- c) pripremu deponija za materijale za posipanje,
- d) pripremu cestovnih baza za boravak osoblja (po potrebi),
- e) pripremu zimske mehanizacije,
- f) obrazovanje radnika.

(2) Zimska služba traje od 15.11. budžetske do 15.03. naredne godine. To je određeni period za izvođenje zimske službe. Za to vrijeme se zimska služba izvodi po određenom prioritetu sa određenim osposobljenim posadama i određenom mehanizacijom, opremljenom za izvođenje zimske službe. Zimska služba se prema potrebi izvodi također i prije 15.11. budžetske, te nakon 15.03. naredne godine. O produžavanju odlučuje Općinski načelnik, u skladu sa propisima.

(3) Naknadne aktivnosti će se izvoditi nakon završetka zimske službe, to jest od 15.03. do 15.04. svake godine. Te aktivnosti su prije svega:

- a) odstranjivanje zimske signalizacije;
- b) odstranjivanje rubnih motki;
- c) pospremanje i čišćenje deponija;
- d) pospremanje i čišćenje cestovnih baza;
- e) čišćenje, remont i konzerviranje zimske mehanizacije,
- f) čišćenje i pranje ulica i drugih površina, te ručno čišćenje i uklanjanje posipnog materijala
- g) čišćenje kanala, rigola i slivnika

PRELAZNE I ZAVRŠNE ODREDBE

Član 25.

(Magistralna i regionalna cesta)

Ulice koje čine dio magistralne ceste su u nadležnosti JP Ceste Federacije BiH, a ulice koje čine dio regionalne ceste su u nadležnosti Kantonalne direkcije za ceste.

Član 26.

(Standardi)

Standardi za slijedeće komunalne djelatnosti individualne i zajedničke komunalne potrošnje:

- a) snabdijevanje prirodnim gasom,
- b) obavljanje javnog prevoza putnika,
- c) održavanje javnih satova,
- d) održavanje pasivnih mezariluka – grobalja, spomenika i spomen kosturnica i prateće infrastrukture u užem urbanom dijelu grada, koji nisu utvrđeni ovom Odlukom utvrdit će se kada JKP «Radnik» d.o.o. Zavidovići bude obavljao navedene komunalne djelatnosti.

Član 27.

(Prestanak važenja Odluke)

Stupanjem na snagu ove Odluke prestaje da važi Odluka o standardima komunalnih usluga na teritoriji općine Zavidovići („Službeni glasnik Grada Zavidovići“ broj: 4/2023).

Član 26.
(Stupanje na snagu)

Ova Odluka stupa na snagu prvog narednog dana od dana objavljivanja u «Službenom glasniku Grada Zavidovići».

PREDSJEDAVAJUĆA
GRADSKOG VIJEĆA
Hadžić dr Amira, spec.radiolog

OBRAZLOŽENJE

USTAVNOPRAVI I ZAKONSKI OSNOV ZA UVOĐENJE ODLUKE

Odredbom člana 1. Zakona o komunalnim djelatnostima Zeničko-dobojskog kantona ("Službene novine Zeničko-dobojskog kantona" broj:17/08) propisano je :

"(1) Davaoci komunalnih usluga dužni su pružati usluge koje odgovaraju kvalitetom i standardom visini cijene koju korisnici usluga plaćaju za njihovo vršenje.

(2) Općinsko vijeće obavezno je utvrditi standarde i usklađivati kvalitet i nivo komunalnih usluga u skladu sa visinom cijene."

U članu 10. stav (1) tačka 2. Privremene statutarne Odluke Grada Zavidovići („Službeni glasnik Općine Zavidovići“, broj: 4/22) određeno je: „Gradsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Grada.“

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Odredbom člana 11. Zakona o komunalnim djelatnostima Zeničko-dobojskog kantona između ostalog propisano je da davaoci komunalnih usluga dužni su pružati usluge koje odgovaraju kvalitetom i standardom visini cijene koju korisnici usluga plaćaju za njihovo vršenje.

Shodno navedenom, obzirom da je Grad Zavidovići obavezan osigurati obavljanje komunalnih djelatnosti koje odgovaraju kvalitetom i standardom utvrđenoj visini cijene koju korisnici usluga plaćaju za njihovo izvršenje to je neophodno donošenje ove Odluke.

Obzirom da predmetna Odluka nije obimna i složena predlažem da Gradsko vijeće Zavidovići Prijedlog odluke razmatra po skraćenom postupku bez Nacrta u skladu sa članom 130. stav 1. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj:07/2022 i 01/2023).

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za realizaciju ove Odluke nije potrebno planirati finansijska sredstva u Budžetu Grada Zavidovići.

OPIS KONSULTACIJA VOĐENIH U PROCESU IZRADE ODLUKE

Prilikom izrade ove Odluke konsultovani su navedeni propisu koji su i pravni osnov za donošenje Odluke.

GRADONAČELNICA
mr.iur. Erna Merdić Smailhodžić

Akt pripremila: _____

(Pašić Adisa)

Akt pregledao: _____

(Bašić Izet)

Akt pregledao: _____

(Nermin Čahtarević)